

Quinta Yemui suavissimis aëdonibus re-
creatur. Sexta piscium habet copiam, mu-
schi, & gallinarum laniferarum; earum la-
na ovinam imitatur, parvæ sunt, brevissimis
pedibus, audaces tamen ac generosæ &
matronis in deliciis. eadem sunt in Cam-
boia, at non hæ lana sed plumis vestiuntur.
Cha etiam herbæ nominatissimæ folium hic
colligitur, quod alibi descriptum repertus.
Regio Ly o circumvicina Sinis olim sub-
dita non fuit, sed regum tempore devicta.
Decima in m ontibus sita est ad Kiang flu-
minis originem, optimas vaccas, uti sunt
Tibetanæ, alit, hæ caudam habent longissi-
mam, crassiorem, & cincinnatis pilis, quas
ad signa militaria exornanda expetunt Sinæ;
tapetes etiam hic contexuntur ex animalium
pilis, quæ ab undecimo munimento sequun-
tur usque ad decimum septimum uni gene-
rali præfecto subiecta sunt, Tusu Sinæ vo-
cant. Has occidentiores terras Hana fami-

lia Sinico adjecit imperio, extincto aut certe
multum imminuto regno Kiung; hæc
autem terræ pars à montium amoenitate, &
pinguedine glebae, plurimum commenda-
tur, lapide lazulo etiam non caret.

Ad Ly civitatem Juleang mons est sylvis *Montes*.
ac arboribus ita abundans, ut toti regioni af-
fatim lignorum subministret. Prope Ping-
chai mons est Peçui, in quo observatum,
quod si nix hyberna in illius vertice lique-
fiat, anni optimi ac fertilis futuri esse signum,
contra si nix usque ad æstatem perduret,
malum esse augurium. Tieze mons circa
Kienchang visitur, à ferreis lapidibus no-
men habet, ejusmodi enim habet lapides,
qui igne liquati præclarissimum destillent
ferrum, quod ad acinaces, gladiosque con-
ficiendos aptissimum est.

De fluminibus nihil hic occurrit præter
ea quæ habentur in mappis.

